

KONTROL MOZIOA

8.986 DONOSTIARREK ESKATUTAKO KONTSULTA DELA ETA

Amaia Almirall Lopez de Luzuriaga EH BILDU udal taldeko bozeramaileak, Udaltzaren Organo Araudiko 98. artikulua oinarri, kontrol mozio hau aurkezten du Udaltzaren azter dadin. Mozioa 2017ko martxoaren 20an Pertsonen Batzordean aztertutako “Ministro-kontseiluaren ezezkoa” interpelazioaren ondorioa da.

JUSTIFIKAZIOA

2016ko urriaren 27ko udalbatzarrean, Toki-araubidearen 71. artikulua araber, Donostiako Udaltzaren Espainiar Estatuko Ministro-kontseiluari baimen-eskaera luzatu zion udal instalazioen erabileraren inguruan galdeketa egiteko. Nahiz eta EH Bildutik ez genuen bat egin donostiarrek udal-instalazioen inguruan iritzia emateko Madrili baimena eskatzearekin (hortik gure abstentzioa), ez genuen erabakia oztopatu; batetik, positiboki baloratu genuelako alkateak, pauso harekin, ia 9.000 donostiarren eskaerarekiko konpromisoa erakutsi izana, eta, bestetik, beste bide batzuk ez baztertzea onartu zelako. Izan ere, akordioaren 3. puntu bezala honako hau onetsi zuen gehiengoz Donostiako Udaltzaren:

*Hirugarrena: erabaki honek ez dio uko egiten
Udalak bestelako tresna legalak erabiltzeari
zuzenki erabiltzeko udalerriko herritarren
borondatea jakiteko.*

2017ko martxoaren 3an, ordea, hilabete eta erdiko luzapena egin ondoren, Espainiar Estatuko Ministro-Kontseiluak erabaki zuen Udaltzaren gehiengoz egindako kontsulta eskaerari ezezkoa ematea. Ezezkoaren arrazoi nagusia da ezin zaiela zuzenketak egitearen inguruan herritarrei galdetu, ondare historiko kulturala delako Espainiar Estatuan eta erakundeek berai bultzatzeko betebeharra dutelako.

Hala ere, kontsultaren helburua, hasieratik, ez da izan zuzenketen aldeko edo aurkako iritzia jasotzea, baizik eta funtsean ilunbe bezalako edo bestelako udal-ekipamendu bati zein erabilera eman nahi diogun jakitea; eta azken hori Udaltzaren eskumena da. Argi geratu zaigu, beraz, ustezko argudio juridikoen atzean, Ministro-Kontseiluaren erabaki politikoa dagoela. Era berean, ez dugu ulertzen zer dela-eta beste hainbat tokitan herritarrei udalgaiei buruz galdetu ahal zaien eta Donostian, aldiz, hori egitea debekatzen den. XXI. mendearen gatazkak eta arazoak herritarren iritzia entzuten konpontzen direla uste dugu eta

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.eus -
20003 Donostia

ez dugu bat egiten iritzi kontrajarriak sortu dituen gai bati buruz donostiarrek iritzia emateko aukera ukatzearekin. Aitzitik, jarrera hori aurreko mendekoa dela uste dugu.

Zentzu honetan, orain arte egin den bezala, uste dugu alkateak ia 9.000 donostiarren eskaerarekiko eta, funtsean, demokraziarekiko konpromisoarekin aurrera jarraitu behar duela, eta udal instalazioen zezenketa-erabileraren inguruko galdeketa benetan gauzatzeko ahal diren pausoak eta alternatibak plazaratzen jarraitu behar duela. Gainera, bide hori jorratzeko talde politikoon eta Udalbatzaren babesa eta adostasuna izatea lagungarri suerta dakiokela uste dugu. Ildo horretatik, alkateak martxoaren 3an prentsa-ohar bidez eta hilabete bereko batzordeetan adierazi zuen galdeketa honekiko konpromisoa, eta adierazi zuen Ministro-Kontseiluaren ezezko erabakiarekin ez zuela bat egiten eta, erraza ez izan arren, Udala aztertzen eta pentsatzen ari zela zein beste bide dauden hiriaren eskumena den gai bati buruz donostiarrek iritzia emateko.

Horiek horrela, hauxe da behean sinatzen duen zinegotziak aurkeztutako

KONTROL MOZIOA:

1.- Udalbatzak hertsatuki eskatzen die Udal-gobernuari eta alkateari, ia 9.000 donostiarrek egindako eskaerari erantzunez, azter eta martxan jar dezala, 2017a amaitu baino lehen, udal instalazioak zezenketetarako erabiltzearen inguruan iritzia-jasotze legezko bat, 2012ko Zestoako eredia, 2017ko Arroka eredia edo bestelakoa izan daitekeena.

2.- Udalbatzak hertsatuki eskatzen die Udal-gobernuari eta alkateari, baldin eta Udalak ez balu antolatuko bere instalazioak zezenketetarako erabiltzearen inguruan iritzi-jasotze legezko bat, lagun dezala hirian gai honen inguruan egin litekeen kontsultak partaidetzarako berme guztiak izan ditzan, eta errespetatu dezala kontsulta horren emaitza.

Donostian, 2017ko apirilaren 12a

Amaia Almirall Lopez de Luzuriaga
EH Bildu udal taldeko bozeramailea